



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

RREGULLORE PËR LICENCIM DHE GARIM E FEDERATËS SË BASKETBOLLIT TË KOSOVËS

**Federata e Basketbollit
të Kosovës**

+383 48 703 333
federata@basketbolli.com

Lagja "Arbëria", Blloku
C3 (Faza 2), Rr. Radovan
Zogoviq, Hyrja 7
10000 Prishtinë, Kosovë

EDICIONI 2021/22

Gusht 2021, Prishtinë



REPUBLIKA E KOSOVËS
MINISTRIA E KULTURËS, RINIA
DHE SPORTIT



RUGOVË GROWZILLAS



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Në bazë të Nenit 21, alineja c, të Statutit të Federatës së Basketbollit të Kosovës, Bordi i Federatës së Basketbollit të Kosovës në mbledhjen e mbajtur më 02.08.2021 në Prishtinë miraton këtë

RREGULLORE PËR LICENCIM DHE GARIM E FEDERATËS SË BASKETBOLLIT TË KOSOVËS EDICIONI 2021/22

Federata e Basketbollit të Kosovës

+383 48 703 333
federata@basketbolli.com

Lagja "Arbëria", Blloku
C3 (Faza 2), Rr. Radovan
Zogoviq, Hyrja 7
10000 Prishtinë, Kosovë

Neni 1

Federata e Basketbollit e Kosovës, si organi i vetëm përgjegjës për organizimin e garave të basketbollit në të gjitha disiplinat e këtij sporti në territorin e Republikës së Kosovës, e harton këtë Rregullore nëpërmjet të cilës saktësohen të drejtat dhe obligimet e klubeve të basketbollit, shkollave të basketbollit dhe subjekteve tjera në territorin e Kosovës që merren në mënyrë të organizuar me basketboll.

Neni 2

Rregullorja përshkruan dhe rregullon të drejtat dhe obligimet e të gjithë anëtarëve të FBK-së, duke përfshirë këtu klubet, shkollat e basketbollit, shoqatat anëtare të FBK-së dhe atyre të themeluara nga FBK-ja, si dhe të gjitha organizatave që merren me sportin e basketbollit, e që nuk janë anëtare të FBK-së.

Neni 3

Rregullorja parasheh kriteret për licencim të subjekteve që merren me sportin e basketbollit dhe secili subjekt licencohet për veprimtari në përputhje me kushtet e parapara në këtë rregullore, të cilat i bashkëngjiten në formë të Annex-it kësaj Rregulloreje.

Licencimi i klubeve është i përfshirë në Statutin e FBK-së, andaj klubet janë të obliguara ligjërisht të respektojnë kërkesat e programit të licencimit.

Neni 4

Licenca është dokument që lëshohet nga zyra e FBK-së dhe nënshkruhet nga Kryetari dhe Sekretari i Përgjithshëm i FBK-së. Për tu pajisur me licencë: klubet, shkollat e basketbollit dhe subjektet tjera në territorin e Kosovës që merren në mënyrë të organizuar me basketboll duhet të plotësojnë kriteret e përcaktuara nga Bordi i Federatës së Basketbollit të Kosovës.





FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Licenca është valide për një vit (një edicion garues në basketboll) dhe rinovohet më së voni 15 ditë para fillimit të edicionit në garën ose veprimtarinë ku bën pjesë subjekti që e posedon licencën. Pa posedim të licencës, asnjë subjekt nuk mund ta ushtrojë të drejtën e pjesëmarrjes në ndonjë garë ose organizimit të ndonjë gare të basketbollit.

Neni 5

Federata e Basketbollit të Kosovës nëpërmjet kriterëve të përcaktuara për licencim të klubeve mëton që të:

- Profesionalizojë klubet.
- Të ngritë standardet e klubeve dhe vetë Federatës.
- Përforcojë kredibilitetin e garave në nivel të klubeve.
- Të ketë paraqitje më të mirë para publikut.

Neni 6

Në edicionin 2021/22 kriteret për licencim të bashkëngjitura në formë të Annex-it të kësaj Rregulloreje do të aplikohen vetëm për klubet e Superligës së Kosovës. Është e rëndësishë së klubet elite të zbatojnë kriteret për licencim me përpikëri, në mënyrë që të jenë shembull, jo vetëm për klubet e kategorive më të ulëta në basketboll, por për të gjitha sportet kolektive në Kosovë.

Federata e Basketbollit të Kosovës në edicionin 2021/22 do të përcaktoj kriteret bazike, të cilat duhet të plotësohen nga klubet në mënyrë që të kenë të drejtë të marrin pjesë në gara.

Neni 7

Federata e Basketbollit të Kosovës do të krijojë një Komision (Organ i Pavarur) për të shqyrtuar pranimin ose refuzimin e aplikacioneve nga klubet për çdo edicion.

Federata e Basketbollit të Kosovës do të krijoj organin e apelit për aplikacionit e refuzuara (ekspertë të pavarur dhe të kualifikuar).

Federata e Basketbollit të Kosovës do të caktoj afati për klubet që të paraqesin dokumentacionin e tyre dhe përmbushjen e kriterëve.

Federata e Basketbollit të Kosovës do të përgatitë formularët e aplikimit dhe mjetet e tjera për klubet.

Neni 8

Kësaj Rregulloreje i bashkëngjiten në formë të Annex-it këto materiale:

1. Procedura.
2. Të dhënat e organizatës dhe aplikuesit.
3. Lista e Kontratave për lojtarët/et dhe trajnerët/et.
4. Sigurimi i lojtarëve/e dhe trajnerëve/eve.
5. Marrëveshja për Riprogramim të Borxheve.
6. Plani Financiar.

Federata e Basketbollit të Kosovës

+383 48 703 333
federata@basketbolli.com

Lagja "Arbëria", Blloku
C3 (Faza 2), Rr. Radovan
Zogoviq, Hyrja 7
10000 Prishtinë, Kosovë





FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Neni 9

Në përputhje me dispozitat e kësaj rregulloreje, FBK i lëshon llojet e licencave të parapara më poshtë si dhe kushtet që duhet plotësuar për pajisjen me licencën përkatëse. FBK i lëshon 4 lloje të licencave dhe saktëson kushtet për marrjen e tyre. Mjetet e inkuara nga licencimet do të dedikohen për financimin e projekteve reprezentative me kategori të reja.

LICENCA <A>

Licenca A lëshohet për klube anëtare të Superligës së Kosovës dhe ekipet që përfaqësojnë Kosovën në garat ndërkombëtare në konkurrencën e seniorëve.

Kushtet:

1. Ta ketë ekipin anëtar të Superligës – rangut më të lartë të garave në sistemin e garave të FBK-së në kategorinë e seniorëve
2. Ta ketë në dispozicion me qasje të vazhdueshme një palestër të sporteve me terren të basketbollit sipas dimensioneve dhe rregullave të FIBA-s.
3. Ta ketë në dispozicion me qasje të vazhdueshme një palestër të sporteve me pajisjet teknike **FIBA Equipment 2020**.
4. Ta ketë në dispozicion me qasje të vazhdueshme një palestër të sporteve me kosha të basketbollit me tabela dhe rrjeta sipas Propozicioneve të Garave të FBK-së dhe Rregullave të FIBA-s LEVEL 1.
5. Ta ketë në dispozicion me qasje të vazhdueshme një palestër të sporteve me zhveshtore për dy ekipe, një zhveshtore për personat zyrtarë një hapësirë të klubit me zyrë, të pajisur me telefon, internet dhe kompjuter.
6. Të ketë nën kontratë së paku **4** trajnerë të licencuar.
7. Të ketë në dispozicion së paku një person të autorizuar mjekësor.
8. Të ketë në dispozicion së paku një zyrtar - komesar për siguri
9. Të ketë të licencuar së paku një përfaqësues zyrtar në FBK.
10. Të ketë internet dhe të mundësojë qasje në internet në dhe afër tavolinës zyrtare.
11. Të ketë hapësirë për konferenca për shtyp dhe tu mundësojë gazetarëve punë komode në ndeshjet e veta.

Federata e Basketbollit të Kosovës

+383 48 703 333
federata@basketbolli.com

Lagja "Arbëria", Blloku
C3 (Faza 2), Rr. Radovan
Zogoviq, Hyrja 7
10000 Prishtinë, Kosovë



Klubet që garojnë në Superligën e Meshkujve duhet të paguajnë shumën 3000 € depozit para fillimit të edicionit garues, nga e cila shume 1.500,00€ ndahen në emër të kootizimit per edicionin 2021/2022. Në rast se një klub nuk e kryen këtë obligim, humb të drejtën e garimit në Superligë.

Bordi i FBK-së ka të drejtën e dhënies së "Wild Card" për secilin klub që përmbush kriteret për licencim dhe garim në Superligë, dhe paguan shumën prej 10,000.00 (dhjetë mijë) Euro, për të zëvendësuar ndonjë anëtar të Superligës, në rast se i humbet e drejta për garim, apo edhe për t'u bërë anëtar i Superligës për edicionin vijues me vendim të Bordit të FBK-së.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Pagesa vjetore për këtë licencë kushton:

- * 5 €- për të gjitha klubet e Superligës që marrin pjesë me 2 e më shumë ekipe të gjeneratave të reja.
- * 5000 € - për klub që ka ekip të seniorëve në Superligë të FBK-së por ka vetëm një ekip të rinjve në ligat e kategorive të reja U18, U16 për edicionin 2021/2022.
- * 10000 € për klub që ka ekip të seniorëve të Superligës, por nuk ka asnjë ekip të rinjve në ligat e kategorive të reja U18, U16 për edicionin 2021/2022.

LICENCA

Licenca B lëshohet për klube që kanë ekipe në rangjet më të ulëta se Superliga e Kosovës për Meshkuj.

Kushtet

1. Ta ketë së paku një ekip anëtar në ndonjërin nga ligat e seniorëve të FBK-së.
2. Ta ketë në dispozicion me qasje të vazhdueshme një palestër të sporteve me terren të basketbollit sipas dimensioneve dhe rregullave të FIBA-s.
3. Ta ketë në dispozicion me qasje të vazhdueshme një palestër të sporteve me pajisjet teknike për mbajtjen e rezultatit të ndeshjes, kohës, kohës së aksionit (posedimit të topit) dhe gabimeve personale sipas standardeve të FIBA-s.
4. Ta ketë në dispozicion me qasje të vazhdueshme një palestër të sporteve me kosha të basketbollit me tabela dhe rrjeta sipas propozicioneve të FBK-së dhe rregullave të FIBA-s.
5. Ta ketë në dispozicion me qasje të vazhdueshme një palestër të sporteve me zhveshtore për dy ekipe, një zhveshtore për personat zyrtarë një hapësirë të klubit me zyrë, të pajisur me telefon, internet dhe kompjuter.
6. Të ketë nën kontratë së paku 1 trajner të licencuar.
7. Të ketë në dispozicion së paku një person të autorizuar mjekësor.
8. Të ketë të licencuar së paku një përfaqësues zyrtar në FBK.

Pagesa vjetore për këtë licencë kushton:

- * 5 €- për klub që ka ekip të seniorëve në ndonjë ligë të FBK-së dhe merr pjesë me një ose më shumë ekipe të kategorive të reja në ligat për të rinj.
- * 150 € - për klub që ka ekip të seniorëve në ndonjë nga garat e FBK-së dhe nuk merr pjesë me asnjë ekip në ligat e kategorive të reja të FBK-së. (numri i ekipeve të kategorive të reja llogaritet në kumulativ për meshkuj dhe femra në rast se klubi ka ekipe të të dyja gjinive).
- * Klubet që garojnë në Superligën e Femrave, Ligën e Parë të Femrave, Ligën e Parë dhe të Dytë të Meshkujve duhet të paguajnë 150,00€ në emër të kootizimit për edicionin garues 2021/2022 dhe 150,00€ depozit para fillimit të edicionit garues.

Në rast se një klub nuk e kryen këtë obligim, humb të drejtën e garimit.

Federata e Basketbollit të Kosovës

+383 48 703 333
federata@basketbolli.com

Lagja "Arbëria", Blloku
C3 (Faza 2), Rr. Radovan
Zogoviq, Hyrja 7
10000 Prishtinë, Kosovë





FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Për klubet e femrave, që marrin pjesë vetëm në garat e femrave, vlejnjë kriteret në harmoni me vendimin e Bordit të FBK-së për organizim të klubeve të femrave.

LICENCA <C>.

* Licenca C është licencë e përkohshme dhe i lëshohet të gjitha tyre klubeve dhe shkollave të basketbollit që për shkak të grupmohës së ekipit/eve të paraqitura për gara, nuk ka asnjë ekip që garon në ndonjë ligë të seniorëve në garat e FBK-së. Kjo licencë ka validitet deri në përfundimin e sezonit të ekipit të grupmohës më të vjetër (juniorë) të këtij klubi/shkolle. P.sh: Nëse një shkollë kërkon/aplikon për licencë dhe ekipi i grupmohës më të madhe të saj është U-16, atëherë licenca vlen derisa ai ekip të përfundojë garimin në ligën U-18.

Kushtet:

1. Të ketë së paku një ekip në ligat e kategorive të reja në liga të FBK-së.
2. Ta ketë në dispozicion me qasje të vazhdueshme (në baza ditore) një palestër të sporteve me terren të basketbollit sipas dimensioneve dhe rregullave të FIBA-s.
3. Ta ketë në dispozicion me qasje të vazhdueshme një palestër të sporteve me pajisjet teknike për mbajtjen e rezultatit të ndeshjes, kohës, kohës së aksionit (posedimit të topit) dhe gabimeve personale sipas standardeve të FIBA-s.
4. Ta ketë në dispozicion me qasje të vazhdueshme një palestër të sporteve me kosha të basketbollit me tabela dhe rrjeta sipas propozicioneve të FBK-së dhe rregullave të FIBA-s.
5. Ta ketë në dispozicion me qasje të vazhdueshme një palestër të sporteve me zhveshtore për dy ekipe, një zhveshtore për personat zyrtarë një hapësirë të klubit me zyrë, të pajisur me telefon, internet dhe kompjuter.
6. Të ketë nën kontratë së paku dy trajnera të licencuar për 40 vijues të shkollës.
7. Të ketë në dispozicion së paku një person të autorizuar mjekësor.
8. Të ketë të licencuar së paku një përfaqësues zyrtar në FBK.

Pagesa vjetore për këtë licencë kushton:

- *150€ kootizimi për edicionin garues 2021/2022 për të gjitha klubet e kategorive të reja.
- * 50€ për klubin/shkollën që garon me së paku një ekip në të gjitha ligat e kategorive të reja në FBK.
 - * 100 € për klubin që garon në dy nga katër grupmoshat e reja në FBK.
 - * 150 € për klubin që garon në tri nga katër grupmoshat e reja në FBK.
 - * 200 € për klubin që garon në katër nga katër grupmoshat e reja në FBK.

(numri i ekipeve të kategorive të reja llogaritet në kumulativ për meshkuj dhe femra në rast se klubi ka ekipe të të dyja gjinive).

Federata e Basketbollit të Kosovës

+383 48 703 333
federata@basketbolli.com

Lagja "Arbëria", Blloku
C3 (Faza 2), Rr. Radovan
Zogoviq, Hyrja 7
10000 Prishtinë, Kosovë





FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

LICENCA <D>

Licena D lëshohet për të gjitha klubet, shoqatat dhe organizatat që nuk marrin pjesë në garat e FBK-së, por merren me organizimin e garave, turneve dhe ngjarjeve të basketbollit në të gjitha disiplinat të sportit (përfshirë 3x3, basketboll me karroca dhe disiplinat tjera).

Pagesa vjetore për këtë licencë kushton:

- * 5€ për subjektet që organizojnë gara të basketbollit me karroca.
- * 200€ për subjektet që organizojnë gara në disiplinat tjera të basketbollit.

Neni 10

Federata e Basketbollit të Kosovës në fillim të çdo edicioni do të informoj organet përkatëse shtetërore, si qeverinë qendrore (Ministrinë për Kulturë, Rini e Sport) dhe qeveritë lokale (komunat përkatëse) me listën e emrave të ekipeve të licencuara për edicionin vijues garues.

Organizimi dhe ushtrimi i aktiviteteve të basketbollit nga subjektet që nuk kanë licencë të FBK-së përbën shkelje të akteve normative të FBK-së dhe cilësohet si pengim i FBK-së në ushtrimin e veprimtarisë së vet.

Federata e Basketbollit të Kosovës

+383 48 703 333
federata@basketbolli.com

Lagja "Arbëria", Blloku
C3 (Faza 2), Rr. Radovan
Zogoviq, Hyrja 7
10000 Prishtinë, Kosovë

Neni 11

FBK në bashkëpunim me Ministrinë për Kulturë, Rini dhe Sport të Kosovës, komunat përkatëse dhe organet tjera e merr përsipër që ti mbrojë të drejtat e subjekteve të licencuara dhe të reagojë menjëherë në rast se veprimtaria e tyre pengohet nga subjekte të palicencuara.

Neni 12

Federata e Basketbollit të Kosovës është garantuese e validitetit të licencës para organeve të veta dhe organeve shtetërore dhe obligohet që licencat ti lëshojë në pajtueshmëri me këtë Rregullore.

Neni 13

Federata e Basketbollit të Kosovës e ruan të drejtën që të suspendojë ose tërheqë licencën/at e lëshuar/a në rast se konstatohen shkelje të kësaj rregulloreje nga bartësi i licencës.

Federata e Basketbollit të Kosovës e ruan të drejtën që të formojë Komisione dhe trupa të tjera inspektuese për veprimtarinë e bartësve të licencave.

Neni 14

Federata e Basketbollit të Kosovës ka të drejtë që pas çdo edicioni të bëjë evoluimin e kritereve për licencim dhe garim, si dhe të kësaj Rregulloreje në tërësi dhe ta përdotësojë ato me qëllim të zhvillimit dhe avancimit të anëtarëve të saj, por edhe gjithë basketbollit në vendin tonë.





FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Neni 15

Kjo Rregullore është e harmonizuar me Statutin e FBK-së dhe hyn në fuqi në ditën e miratimit.

E miratuar në Prishtinë më 02.08.2021.

Në emër të Bordit të FBK-së,

Arben FETAHU
Kryetar

Federata e Basketbollit të Kosovës

Federata e Basketbollit të Kosovës

+383 48 703 333
federata@basketbolli.com

Lagja "Arbëria", Blloku
C3 (Faza 2), Rr. Radovan
Zogoviq, Hyrja 7
10000 Prishtinë, Kosovë



REPUBLIKA E KOSOVËS
MINISTRIA E KULTURËS, RINIAE
DHE SPORTIT



RUGOVË GROWZILLAS